

3 João

1 Txai²li² Jo³ãu²ah³lo²na¹xai²na² yah³lo²na¹xai²na² e³kxi¹nx²ha¹tu¹wa². Wxai²na² Kai²ah³lo³si¹lxa². A³lxi²nxa²ha¹jah¹lo²si¹lxa². Ki³han³nxa³wa².

2 Nxex³sa²lxa². A³lxi²nxa²ha¹wa². Wxa²ê¹nãu³ai²na² wi¹lhãu²non³sã³ yxaun¹ju³ta² i²nxa²te²sa¹wa². Nxī¹nha²kxai³ wa²su¹wa²su¹yxaun¹ju³ta² ten³-sa³ha²kxai³ wxa²wa³ka³la² wi¹lxa³ju³ta² ten³sa³ha²kxai³ nxe³sa³nha²wa².

3 Txa²wā¹wā³tā³nãu³xa² wxā³hī¹nai³tā² wxa²ha³ta³nxa² e³kxi²sain¹to³hē¹-la². Wān³txa² ya²la³lyau³xa² Je³su²jah³lai²na² wān³txa² sa²yo²wet¹sxā³ yxau²xai³ta¹hi¹nhē¹la². Nxe³sain¹jau³xai²na² e³kxi²sain¹jau³xa² i³wi¹lxo³-kxi²sai¹nhē¹la². 4 Ju¹tai²na² so¹lxi³ ten³sa³nha²wa². Txa²wē³ha³lxa²i²nān²tu³ wān³txa² ya²la³lyau³xa² sa²yo²wet¹sxā³ yxau³ain¹kxai²nān²tu³ ka³lih³-khaix¹sa³tu¹wa². Wān³txa² yau³xā³xa² i³wi¹lxo³kxi²sain¹jau³xa² yū²nxa³wa².

Kai²ah³la² i³sa²nēn¹kxi²jau³su²

5 Nxe³sa²lxa². A³lxi¹nxa²ha¹wa². Txa²wā¹wā³tā³nãu³xa² Je³su²jah³lai²na² wān³txa² sa²yo²we¹te²nãu³xai²na² wi¹wi¹nxe² ā³hi²nū¹nū³hai¹nīn¹kxai²nān²tu³ wain³txi³ kái³hī³nxa¹lxa². Kxā³nxān²txi³ i²ū¹hai¹nxān³kxan²ti³ wi¹kāi³ū¹hain¹ta¹hi¹nhē¹la².

Ju¹tai²li² wain³txi³ kái³i¹lxa². 6 Nxai¹nīn¹sxā³ tū¹ka³txai²na² a³lxi²si¹hai¹nīn¹ju³-ta² i³hen³txi³sain¹sīn¹na²hē³la². Je³su²jah³la² ā³nū²kxi²sxā³ yxau³te²ki³nāu¹xa²

nxe² i³hen³txi³sain¹sīn¹na²hē³la². Nxe³ha²kxai³ ā³waix³txain¹kxai²nān²tu³ yen³-kxa² hau³kot³sxa³ ū³hū¹txai¹nhē³la². Txa²wā¹sū³na² a²sa³wi³ha³lxi¹su² ha²kxai³ wi¹kāi³ū¹txai¹nhē³la². 7 A²nxe³te²nãu³xai²li² Je³su²jah³lai²na² wān³txa² i³tih³-nxe³te³lhxā³ a³li³ain¹ta¹hē¹la². Hai³txi³ a²nū²a² yo²i²ai¹nxa²te²na² yen³kxi³la³

te³nain¹ta¹hxa³hē¹la². 8 Nxai¹nha²kxai³ txa²wā¹kī³na¹xai²na² yo²i²te²kī³na¹xai²na² so¹lxi³ āu¹la³kxain¹yah³lxin¹ju³ta² wain³na³la². Nxe³kī³kxai²nān²tu³ wān³txa² ya²-la³lyau³xa² u²lxi³ ha³ta³nxe³jau³xa² kái³ū¹nhū³nhī³kī³ta³la². Nxe³kī³kxai²nān²tu³

Je³su²jah³lai²na² wān³txa² i³tih³nxain¹kxe³su² ā³non²ta³kxi²nū¹hain¹kī³tā³la².

Ti³o³tre²fah³la² Te³me²tri³o³jah¹la² he¹ain¹jau³su²

9 Nxa²ha¹te¹ txa²ha³teh³nxā³nxa² ū³wha²li¹la³kxi¹nx²ta¹hē³la², Je³su²jah³la² ā³-nū²kxi²sxā³ yxau³yah³lxin¹te² i³nxai²na²sa¹. Yxān¹ta¹ Ti³o³tre²fah³lai²na² sa²kxai³lu² sa²yo²wet¹sai¹nxa³hē³la². Sa²yo²ā³sain¹na²hē³la². Ne³ka³ta²sxā³ yxau²xai³ju³ta³-nū³su² so¹lxi³ ten³jah¹lo²su² na³la². 10 Nxe³ha²kxai³ wxā³na¹kxai²nān²tu³ ko³nxe³ti³

kāi³ain¹ju³ta² i³ye³kxai¹na¹tu¹wa². Ko³nxe³ti³ e³ti³hit¹lsain¹ta¹hē¹la². Ki³ha¹kxi²sxā³
e³kxi²ta¹hē¹la². Nxe³kxa²yu³su² txa²wā¹wā³tā³nāu³xa² Sū³na² wān³txa² yxo²i²-
te²nāu³xan²tu³ ā³wxā³ain¹kxai²nān²tu³ wi¹le³kxi²nū¹hai¹nxa³ha²kxai³ yen³kxa²
āu¹la³kxi²nū¹hai¹nxa³ha²kxai³ nxain¹ta¹hē¹la². Nxe³yān¹ta¹ a²nū²a² ā³xai²na²:

—~Āu¹la³kxai¹na¹tū¹xā¹. Ain¹jau³su² kxan²ti³ hāi¹nxā¹si¹hain¹jau³su²
kwa³na³ain¹ta¹hē¹la². Nxe³sxā³ ā³nū²kxi²sxā³ yxau³te²ki³na¹xa² ā³-
waix³si¹hain¹jau³su² kwa³na³kxain¹ta¹hē¹la².

¹¹Nxex³sa²lxa². A³lxi¹nxa²ha¹jah¹lo²si¹lxa². Ko³nxe³ti³ kāi³ain¹kxa² yā¹-
txa³hē¹la². Wi¹kāi³txa²hē³la². Nxe³sxā³ wi¹kāi³sxā³ yxau²xai³te²na² so¹lxi³
Txa²wā¹sū³na² wēn³su² na³la². Yxān¹ta¹ ko³nxe³ti³ kāi³sxā³ yxau²xai³te²na²
sa²kxai³lu² hai³txi³ Txa²wā¹sū³na² i²ain¹jah¹lo²su² ti³he¹nxa³wa².

¹²Nxa²ha¹te¹ Te³me²tri³o³jah¹lai²na² sa²kxai³lu² a²nū²a² a²yo²ha³kxa¹
wi¹le³kxain¹ta¹hē¹la². Ya²la³lyau³xa² wi¹le³kxi²ta¹hē¹la². Te²yā¹nxe³jau³xa²
wi¹le³ū¹nhū³na¹wa². Ya²la³lyau³xa² so¹lxi³ e³a¹tai¹ti²tu³wa². Jā¹nxa¹wa².

Jo³āu²ah³lai²na² a²ne³ki³san¹jau³su²

¹³Jā¹nxe³jut³su² wān³txa² yau³ka³lxa¹txi³ ũ³wha¹li¹la³kxi¹nxa²ha¹jau³xa²
yū²na³la². Yxān¹ta¹ ha³teh³nxā³nxa² ũ³wha²li¹lha²nxa³lho³la². ¹⁴Ye³jen¹na²
wxā³sxā³ i²nxa²ha¹tu¹wa². Na²ha¹kxai²nān²tu³ wxa²ne³nxē³na² i³ye³kxi¹-
nxa²ha¹tu¹wa². Wxa²ē¹nāu³ai²na² i³wi¹lhi²nxe³sxā³ yxau²xai³lin¹ju³ta³nū³a²
ten³sa³nha²wa². Wxa²ya³lxi³nāu³xai²na² a²ha³ta³nxa² ũ³sa²si¹hā³ūh¹nxain¹-
na³la². i³ye³kxi¹nxa²ha¹jau³su² ā³wa²su¹ya³nxa²ha¹wa². Ta³lun²ya³nxa²ha¹wa².